



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1628. usque ad annum 1634

**Fleury, Claude**

**August. Vind. [u.a.], 1778**

**VD18 90118871**

§. 79. Clerici Augustani ex urbe migrare compulsi.

---

[urn:nbn:de:hbz:466:1-67394](https://nbn-resolving.org/urn:nbn:de:hbz:466:1-67394)

„reximus, palam professi, quod hanc, Sæc. XVII.  
 „nec ullam aliam salva Religione & A. C. 1633.  
 „conscientia præstare valeamus. Huc-  
 „usque Regiam decisionem desuper  
 „prætolati sumus: nunc vero rursus,  
 „nos adversus nostram conscientiam,  
 „Statum, vocationem, & Religionem  
 „Catholicam, cujus libertatem Rex  
 „nobis semel indulisit, haud gravatum,  
 „sed plene quoad omnia protectum iri  
 „confidimus. Verum Oxenstirnius  
 Præpositum nequidem responso digna-  
 tus, omnino iussit, ut vel sine omni  
 ambage Clerus propositam fidei formulam  
 juramento firmaret, vel illo adhuc  
 die urbe excederet.

## §. LXXIX.

*Clerici Augustani ex Urbe migrare compulsi.*

Cum autem una omnes Ecclesiastici Ephemer. Abbat. ad S. Crucem.  
 serio perpenderent, quod nullatenus  
 mere politica fides ab eis peteretur,  
 sed sub generali Protestantium  
 commoda promovendi lege fidem Catholicam  
 nec consiliis, nec verbis, imo nequidem  
*cogitatione* tueri permetterentur,  
 hinc una omnes decrevere, potius cuncta  
 relinquere, atque in exilium abire,  
 quam Suevicis duntaxat Ministris,  
 ac Protestantibus sibi foederatis  
 Ss 4 tale

Sæc. XVII.

A. C. 1633

tale homagium cum veræ fidei dispendio, ac conscientiæ læsione præstare. Hoc Cleri propositum acuebat nova ejusdem Oxenstirni violentia, quæ quarta Maji Clericis declarabat, quod die vigesima prima ejusdem Mensis Augusti discessurus esset, nisi ergo Maximilianus Bavaricæ Elector lytrum pro redemptione obsidum Monacensium interim soluturus esset, omnes Clericos (exceptis Franciscanis, & Capucinis) secum captos abstrahere, & demum pro meritis plectere decrevisset: Verum postquam de Cleri constantia certum fuerat redditus, ut una omnes die decima octava Maji circa horam duodecimam urbem desererent, præceptum nimis autem angustum omnia bona patriamque sine culpa relinquenda spatium temporis fuerat indultum, eapropter, ægre tamen, impetrare poterant Clerici, ut induciæ ad alteram diem scilicet decimam nonam Maji concederentur. Hac autem die circa duodecimam diei horam omnes Clerici (exceptis gravi senio vel adversa valetudine præpeditis) urbe excefferunt, ac stipantibus eos viginti militibus Suedici Landspargam usque deducti, altera die Peittingam, & tertia demum in civitatem Fiessen pervenere, aliis postea Monachium, plerisque in Austriam, Tyro-

Tyrolin, Salisburgum vel alibi confu- Sæc. XVII.  
 gentibus. Erant autem, qui urbe pro- A. C. 1633.  
 scripti sunt, sequentes: Reverendissimi

Domini Sebastianus Müller, Suffraganeus, Casparus Zeiller Vicarius Generalis, Christophorus de Aw Præpositus Cathedralis Ecclesiæ, Joannes a Zimmeren Pœnitentiarius, Joannes Bruggmair Sigillifer, Otto de Muggenthal, Joannes de Stozzingen, Conradus a Neuhausen Canonici Cathedralis: Ex Quatuor-Viris Mathias Gastel, Wolfgangus Wall, Henricus Frauenrath, Stephanus Scmech præter triginta novem partim Diaconos, partim Chori Vicarios, & Lectores: Ex Collegiata ad S. Mauritium Christianus Pacelus Decanus, Henricus Piscator, Jacobus de Almandingen, Joannes Drexel, & Rudolphus Dechler Canonici præter duos Provisores & tredecim Chori Vicarios. Ex Abbatia ad S. Georgium Michael Häfelin Præpositus, Joannes Frick Decanus, & quatuor Canonici. Ex Abbatia S. Crucis David Dirrhaimer, Anastasius Vocheus, Udalricus Kätzler, & Franciscus Kögel Canonici. Ex Monasterio FF. Prædicatorum Georgius Eckle Vicarius præter undecim Religiosos: ex Collegio Societatis Conradus Raying Rector unacum quatuordecim Sociis. Ex

Ss 5

Mo-

Sæc. XVII. Monasterio Franciscanorum Ludovicus  
A. C. 1633. Papperiz Guardianus præter viginti  
 septem ejudem Ordinis Religiosos: Et  
 Conventu PP. Carmelitarum Discalce-  
 atorum P. Adrianus Prior, unacum PP.  
 Simone Sub-Priore, Christophoro  
 Francisco. Ex Monasterio PP. Capu-  
 cinorum P. Sixtus cum viginti aliis Re-  
 ligiosis; tribus enim ægrotis Capuci-  
 nis unacum P. Guardiano per aliquos  
 dies adhuc in urbe morari, indultum  
 erat. Hos eadem ex causa comitaban-  
 tur non pauci Ecclesiasticorum famuli  
 Studiosi, & opifices. Ad horum de-  
 fcessum immenso gaudio tripudiabant  
 Lutherani, uberrimas vero lacrimas  
 fundebant Catholici, quibus unicum  
 erat adhuc reliquum animæ solatium  
 quod PP. Benedictini ad S. Udalricum  
 singulari prorsus Dei providentia, ne-  
 que ab Oxenstirnio, neque a Magistrato  
 Acatholico ad præstandum hoc jurame-  
 ntum fuerint adaçti, proin hi  
 in urbe residui Apostolica munia pro  
 Catholicorum salute, & hæresum ex-  
 tirpatione indefesso prorsus studio  
 obire potuerint.

Demum Oxenstirnius post ultimam  
 hanc Clero irrogatam injuriam die ve-  
 gesima prima Maji Augusta discessit  
 cui Joannes Georgius de Winckel sub-  
 rogatus, ut Lutheranorum favores  
 atque

Sæc. XVII.  
A. C. 1633.

atque applausum aucuparetur, mox se-  
nes atque infirmos Clericos, qui cum  
ceteris emigrare haud poterant, necnon  
eorum famulos adesse compulit, eisque  
juramentum imposuit; Clericis tamen  
hanc impietatem constanter abhorren-  
tibus, famulos duntaxat ad hoc jus-  
jurandum adigere poterat. Nondum  
Ecclesiastici, ac Monachi urbe exce-  
serant, cum jam Sueci milites eorum  
domos & Monasteria involarent, & ob-  
via quæque diriperent: paulopost ta-  
men Magistratus quosdam ablegabat,  
qui hæc Harpyas ab ulteriore violen-  
tia & deprædatione cohiberent, quin  
tamen illos ad reddenda, quæ suffu-  
rati sunt, restitutionem adstringeret,  
quinimo Magistratus Clericorum ædes  
& Monasteria civibus Lutheranis inco-  
lenda concessit.

§. LXXX.

*Opinio Galilæi Romæ ab Inquisito-  
ribus damnata.*

Jam anno Christi millesimo sexcente-  
simo undecimo die quinta Maji Ro-  
mæ Sacra Inquisitio decretum edide-  
rat contra opinionem Nicolai Coper-  
nici patria Florentini, qui in suo libro  
*de revolutionibus Orbium cælestium* solem  
in Orbis universi centro immobilem lo-  
cave-

*Vid. supra*  
*l. 193. §. 37.*  
*tom. 57.*  
*pag. 128.*  
*Abrege de*  
*l'Hist. Eccl.*  
*Siecl. XVII.*  
*Briet. An-*  
*nal. Mundi*  
*tom. 7.*